



Na osnovu Odluke Upravnog odbora Federalnog zavoda za zapošljavanje o usvajanju Programa obuke, dokvalifikacije i prekvalifikacije u 2010. godini broj: 01/1-49/10, a u skladu sa čl. 5. i 50. stav 3. tačka a) Zakona o posredovanju u zapošljavanju i socijalnoj sigurnosti nezaposlenih osoba ("Službene novine Federacije BiH", br. 55/00, 41/01, 22/05 i 9/08) i Programom rada Federalnog zavoda za zapošljavanje za 2010. godinu, Federalni zavod za zapošljavanje raspisuje

### **JAVNI POZIV**

#### **nezaposlenim osobama za učesće u informatičkoj obuci u okviru Programa obuke, dokvalifikacije i prekvalifikacije u 2010. godini koja se realizira posredstvom kantonalnih/županijskih službi za zapošljavanje**

Pozivaju se nezaposlene osobe bez obzira na stepen stručne spremlje i dob, a koje su prijavljene na evidenciju nezaposlenih u Federaciji BiH najmanje šest mjeseci prije objavljivanja Javnog poziva da se prijave na Javni poziv.

#### **Podsticajne mjere**

Cilj Programa obuke, dokvalifikacije i prekvalifikacije je, između ostalog, za potrebe tržišta rada, povećati konkurentnost 1.000 nezaposlenih osoba u Federaciji BiH koje ne posjeduju savremena znanja i vještine u oblasti informatike.

Bespovratna finansijska sredstva Federalnog zavoda za zapošljavanje u iznosu od 300.000,00 KM, predviđena su za finansiranje/sufinansiranje informatičke obuke u iznosu do 300,00 KM po osobi, s tim da će se troškovi obuke do 300,00 KM finansirati u potpunosti, a ukoliko su troškovi obuke veći od tog iznosa sufinansirat će se do 300,00 KM.

#### **Ciljna grupa**

Ciljnu grupu čine nezaposlene osobe, bez obzira na stepen stručne spremlje i dob, prijavljene na evidenciju nezaposlenih u Federaciji BiH najmanje šest mjeseci prije objavljivanja Javnog poziva, i za koje savjetodavac nadležnog biroa za zapošljavanje da preporuku za uključivanje u informatičku obuku radi poboljšanja konkurentnosti na tržištu rada.

Informatička obuka se može vršiti isključivo u ovlaštenim javnim ustanovama ili drugim ovlaštenim subjektima (centrima za obuku ili drugim organizacijama) verifikovanim za tu vrstu djelatnosti ako kantonalna/županijska služba za zapošljavanje nema zvanično izabranog izvođača informatičke obuke.

#### **Prijava na Javni poziv**

Nezaposlene osobe koje žele učestvovati u informatičkoj obuci podnose nadležnoj kantonalnoj/županijskoj službi za zapošljavanje:

- zahtjev za finansiranje/sufinansiranje informatičke obuke (forma zahtjeva je dostupna u nadležnom općinskom birou za zapošljavanje i na web stranici Zavoda: [www.fzzz.ba](http://www.fzzz.ba) i nadležne kantonalne/županijske službe za zapošljavanje)
- predračun i program informatičke obuke ovlaštene javne ustanove ili drugog ovlaštenoga subjekta, ako kantonalna/županijska služba za zapošljavanje nema zvanično izabranog izvođača informatičke obuke
- preporuku savjetodavca iz nadležnog općinskog biroa za zapošljavanje.

#### **Prednost pri odobravanju podsticajnih sredstava po Programu:**

Kod odobravanja sredstava za informatičku obuku prednost imaju: osobe sa invaliditetom, članovi porodica šehida/poginulih boraca, demobilisani borci, samohrani roditelji, osobe koje su duže vremena na evidenciji i osobe lošijeg socioekonomskog statusa (o čemu je potrebno priložiti relevantne dokaze).

Sa podnosiocima zahtjeva kojima budu odobrena sredstva kantonalna/županijska služba za zapošljavanje zaključit će ugovor kojim će se utvrditi prava i obaveze ugovornih strana.

## **Obaveze nakon odobravanja sredstava**

Po okončanju informatičke obuke, nezaposlene osobe-učesnici u obuci su obavezni dostaviti kantonalnoj/županijskoj službi za zapošljavanje dokument (certifikat, uvjerenje ili potvrdu) o završenoj informatičkoj obuci, nakon čega će kantonalna/županijska služba za zapošljavanje izvršiti uplatu sredstava izvođaču obuke u visini do 300,00 KM po osobi.

Prijave/zahtjevi sa potrebnom dokumentacijom podnose se nadležnoj kantonalnoj/ županijskoj službi za zapošljavanje posredstvom općinskog biroa za zapošljavanje ili poštom, sa naznakom „Prijava na javni poziv za učešće u Programu obuke, dokvalifikacije prekvalifikacije u 2010. godini - INFORMATIČKA OBUKA“ na adresu nadležne kantonalne/županijske službe za zapošljavanje, kako slijedi:

1. JU Služba za zapošljavanje Unsko-sanskog kantona, Branislava Đurđeva 1, 77000 Bihać, 037/226-062
2. Služba za upošljavanje Županije posavske, Jug I bb, 76270 Orašje, 031/710-680
3. JU Služba za zapošljavanje Tuzlanskog kantona, Bosne srebrene 31, 75000 Tuzla, 035/281-388
4. JU Služba za zapošljavanje Zeničko-dobojskog kantona, Adolfa Goldbergera 6, 72000 Zenica, 032/448-200
5. JU Služba za zapošljavanje Bosansko-podrinjskog kantona, Maršala Tita 13, 73000 Goražde, 038/221-546
6. Služba za zapošljavanje Srednjobosanskog kantona / Kantona središnja Bosna, Hadži Ali-bega Hasanpašića bb, 72267 Travnik, 030/518-764
7. Služba za zapošljavanje Hercegovačko-neretvanskog kantona / Hercegovačko-neretvanske županije, Kralja Tvrtka 19, 88000 Mostar, 036/321-824
8. Služba za zapošljavanje Zapadnohercegovačke županije, Trg Herceg-Bosne 1, 88340 Grude, 039/661-396
9. JU Služba za zapošljavanje Kantona Sarajevo, Đoke Mazalića 3, 71000 Sarajevo, 033/251-260
10. Županijski zavod za upošljavanje Livno, Kralja Tvrtka 5, 80101 Livno, 034/203-306.

Rok za podnošenje zahtjeva je 30 dana od dana objavljivanja Javnog poziva u sredstvima javnog informiranja, a ukoliko u tom roku ne pristigne dovoljan broj zahtjeva, Javni poziv ostaje otvoren do utroška sredstava.

Zahtjevi sa nekompletnom dokumentacijom neće se uzeti u razmatranje.